



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Vita Beati P. Philippi Nerii Florentini. Congregationis Oratorii Fvndatoris**

**Gallonio, Antonio**

**Mogvntiæ, 1602**

Congregatio augetur

**urn:nbn:de:hbz:466:1-43172**

pum ea manu, quam dolenti parti  
admouerat, dolorem omnem ex-  
haurientem.

Iesu Christi anno  
1586.Sixti V. Pap. anno  
I.Ætatis anni.  
71

*Nouus Philippi morbus.*

**A**Nno salutis millesimo quin-  
gentesimo octogesimo sexto,  
xvij. Kal. Februarias, recenti iterū,  
ac repentino morbo, eoque graui-  
simo, atque mortifero opprimitur  
Philippus, ex quo tamen breui quā-  
quam oleo sancto inunctus, præter  
spem, medicis admirantibus, mi-  
raculumque inclamantibus, pror-  
sus conualuit.

*Congregatio augetur*

**C**Vm Patres eadem domo viue-  
tes se, suaque ad nutum Philip-  
pi moderarentur, nihilque rerum  
omnium esset, quod cuperent ma-  
gis, quàm diuinam voluntatem, vt  
eam sequerentur in omnibus: tum

maxi-

maximè factum est, vt eorum fama longè, latèque vagata, varijs in locis, ac regionibus summa cupiditate expeterentur. ergo è Romano O- ratorio vt à primaria arbore surculi multi per diuersas Italiae Vrbes transferri cœpti sunt, fertilique so- lo plantati extenderunt quacunque ramos suos.

In his celeberrimum habetur O- ratorium Neapoli constructum o- pera Francisci Mariæ Taurusij, qui eo huius sæculi anno octogesimo sexto ab Annibale Capua Archiepi- scopo, alijsque nobilibus viris ac- cersitus fuerat is vbi Neapolim per- uenit, hospitio ad Nosocomium in- sanabilium accepto paulatim ædes, ac templum sanè magnificum ciui- bus adiuuantibus extruendum cu- rauit, in cuius fundamenta primum lapidem iecit idem Annibal Ar- chiepiscopus maxima cæremonia, atque frequentia. Vt autem maior esset fructus animorum, Taurusium

sequun-

sequuntur, Patrum Romanæ domus decreto, Anton. Talpa Septēpedanus, Franc. Bozzius Eugubinus, Thomas Galletus Niciensis, & Michael Angelus Tocius laicus: post aliquantō alij tres sacerdotio præditi, Iuuenalis Ancina Fossanensis, Petrus Puteus Panormitanus, & demum Flaminius Riccius Firmanus. Ergo ij vbi vnà cum Taurusio in vinea Domini diuini verbi semine excolenda laborant, cœperunt multi, Taurusij præcipuè (cuius nomen iam tum celebre erat) monitis, exemplo permoti ad nostrum institutum sese aggregare; breuique Deo bene iuuante factum est, vt plures sexaginta Congregationi ad spiritualem militiam nomina dederint.

Quid memorē apud Septempedanos in Piceno, & alibi alia huius instituti loca non sine maximo animorum fructu intra paucos annos erecta? Quæ omnia vnus Philip-

pila-

pi labori, exemplo, atque auctoritati accepta referunt omnes.

Verum Lectorem hic admonitum volumus, Patres nostros domicilia extra Urbem, quorum regimen apud eos resideat, iustis de causis præter Neapolitanum, & Septempedanum, habere velle nullum; idque hoc decreto sancitum est.

Ne quis prætextu amplificandæ Congregationis eam dissipet, atque ut confusio euitetur, quam multitudo parere solet, arctiusque inter se, qui sunt à Congregatione amoris vinculo colligentur, quem quotidiana consuetudo conciliat, ac mores cuiuslibet ex hoc dignosci possint facilius, & notorum vultus cuncti reuereantur; Statuitur, ne Congregatio alibi vllum locum recipiat, neque alterius Congregationis regendæ onus, nisi Romæ, Neapoli, ac Septempedæ. hucusque ibi.

Cæterum Patres, ne aliorum O-  
ratorio-

ratoriorum extruccionem reijcere viderentur; hæc verba decreto adiecerunt. Possit nihilominus, si ipsi videbitur, mittere aliquos, qui instituât alijs in Oppidis eiusdem rationis Collegia; cum eo tamen, vt hoc peracto reuertantur; neque illa sint nostris annexa, neque Clerici eorū sint è Congregatione Oratorij Romani. Possit similiter in ædes suas excipere veluti hospites sacerdotes externos, qui addiscant instituta nostra, ac post aliquod tempus eadem valeant inter suos fundare. hæc tunc decretum.

Sed quamquam hæc ita sint, necessitate tamen Patribus obueniente, nouū Anxani Oratorium anno huius sæculi nonagesimo octauo, Kal. Nouemb. aperire opus fuit: possidet enim Congregatio Abbatiam Sancti Ioannis in Venere vulgo dictam, ei Vrbi proximam, cui animarum cura annexa est: ibidem præterea institutum à Patribus Se-

minarium indigenarum adolescentium eo consilio, ut ad pietatem facilius, atque ad omne munus officij instituantur. Habet Abbatia Oppida decem; vnus ex his, quod Fossaceca appellatur, Patres domini sunt.

*Oratoria  
quorum  
regimen  
ad nostros  
pertinet,  
quatuor  
sunt, Ro-  
manum,  
Neapoli-  
tanum, Se-  
ptempeda-  
num, &  
Anxanum.*

Extant iam in hunc usque diem varijs in locis Oratoria extracta quamplurima, aliaque extruuntur in presens, omnia Romani instar: quibus rebus fit, ut inducamur ad credendum, breui tam preclaram Beati Philippi vitæ institutionem vbique gentium propagandam fore: Congregatio enim ad omnium gentium auxilium nata omnibus prodesse debet sine vlla Regionum, aut locorum exceptione.

Oratoria iam extracta Romani instar preter Neapolitanum, Septempedanum, & Anxanum, quatuor sunt, Lucense, Firmanum, Panormitanum, & Camertinum: quæ extruuntur in presens, sex Fanense, Patauinum, Vicentinum, Ferrarien-

se:

se: quintum in Oppido erigitur, cui  
Tononio nomen trans Alpes diœ-  
cesis Gebennensis Ducatus Cha-  
blasij: sextum in Ecclesia B. Mariæ  
Gratiarum diœcesis Foroiuliensis  
in Prouincia.

*Miraculum.*

**E**O ipso anno Nouembri mense,  
aut Decembri, Eugenia Man-  
fucta per menses octodecim na-  
rium morbo laborauerat, quæ illi  
interdum non modò intumesce-  
bant enormiter, verùm graui quo-  
que eam vexabant incendio: ab eo  
autem morbo vbi nullis etiam assi-  
duis medicorum curationibus, ac  
remedijs liberari se posse vidit, fru-  
stulo lintei B. viri sanguine asperfo  
sibi admoto, protinus ab ea ægrota-  
tione euasit, neque in poste-  
rum ab ea tentari se  
sensit.

*Huius rei  
oculatos,  
iuratosque  
restes pra-  
ter Euge-  
niam duos  
habemus.*